



বাংলাদেশ কৃষি উন্নয়ন কর্পোরেশন

উদ্যান উন্নয়ন বিভাগ

৪৯-৫১ দিলকুশা বাণিজ্যিক এলাকা, ঢাকা-১০০০

ফোন-৯৫৫৬৯৪২

ই মেইল : hortbadc@gmail.com

স্মারক নং-০১২.২৮৩.০০৭.০০.০০.২৩০.২০১২- ২২৫

তারিখ : ২২ আগস্ট ২০১৯

বিষয়ঃ ২০১৯-২০ বর্ষের উদ্যান উন্নয়ন বিভাগ ও এগ্রো সার্ভিস সেন্টারের কার্যক্রম এর আওতাধীন খামারসমূহের জন্য নারিকেল বীজের ক্রয়মূল্য এবং উৎপাদিত নারিকেল চারার বিক্রয়মূল্য নির্ধারণের জন্য ‘মূল্য নির্ধারণ কমিটি’ এর সভার কার্যবিবরণী প্রেরণ।

বিএডিসি’র উদ্যান উন্নয়ন বিভাগ ও এগ্রো সার্ভিস সেন্টার কার্যক্রম এর আওতাধীন খামারসমূহের জন্য ২০১৯-২০ বর্ষের নারিকেল বীজের ক্রয়মূল্য এবং উৎপাদিত নারিকেল চারার বিক্রয়মূল্য নির্ধারণের জন্য গত ২০ আগস্ট ২০১৯ তারিখে বিএডিসি’র চেয়ারম্যান মহোদয়ের সভাপতিত্বে সংস্থার পর্যদ কক্ষে অনুষ্ঠিত হয়। উক্ত সভার কার্যবিবরণীর এক প্রস্থ সদয় অবগতি ও পরবর্তী প্রয়োজনীয় ব্যবস্থা গ্রহণের জন্য এতদসঙ্গে প্রেরণ করা হলো।

সংযুক্তিঃ বর্ণনামতে (৫ পৃষ্ঠা)।

(মুহাঃ আজহারুল ইসলাম)

পরিচিতি নং-০২০০৮৪

মহাব্যবস্থাপক (উদ্যান)

বিএডিসি, ঢাকা।

কার্যার্থেঃ

- ১। যুগ্ম পরিচালক (উদ্যান), বিএডিসি, কাশিমপুর/পটিয়া/রাজশাহী/যশোর।
- ২। উপপরিচালক (উদ্যান), বিএডিসি, টাংগাইল/বগুড়া/কুমিল্লা/মুক্তাগাছা/কুষ্টিয়া।

অনুলিপি বিতরণ (সদয় জ্ঞাতার্থে) :

- ১। চেয়ারম্যান, বিএডিসি, ঢাকা।
- ২। সদস্য পরিচালক (বীজ ও উদ্যান), বিএডিসি, ঢাকা।
- ৩। সদস্য পরিচালক (সার ব্যবস্থাপনা), বিএডিসি, ঢাকা।
- ৪। সদস্য পরিচালক (ক্ষুদ্রসেচ), বিএডিসি, ঢাকা।
- ৫। সদস্য পরিচালক (অর্থ), বিএডিসি, ঢাকা।
- ৬। সচিব, বিএডিসি, ঢাকা।
- ৭। প্রধান মনিটরিং, বিএডিসি, ঢাকা।
- ৮। মহাব্যবস্থাপক (এএসসি), বিএডিসি, ঢাকা।

মুহাঃ (স্বঃ)
বিএডিসি
২২/৮/১৯

২০১৯-২০ বর্ষে সংস্থার উদ্যান উন্নয়ন বিভাগ ও এগ্রো সার্ভিস বিভাগের আওতাধীন খামারসমূহের জন্য বীজ নারিকেলের
ক্রয়মূল্য এবং উৎপাদিত নারিকেল চারার বিক্রয়মূল্য নির্ধারণের জন্য 'মূল্য নির্ধারণ কমিটি' এর সভার কার্যবিবরণী

স্থান : সংস্থার পর্ষদ কক্ষ
তারিখ : ২০ আগস্ট ২০১৯
সময় : সকাল ১১.৩০ ঘটিকা

২০১৯-২০ বর্ষে সংস্থার উদ্যান উন্নয়ন বিভাগ ও এগ্রো সার্ভিস বিভাগের আওতাধীন খামারসমূহের জন্য বীজ নারিকেলের ক্রয়মূল্য এবং উৎপাদিত
নারিকেল চারার বিক্রয়মূল্য নির্ধারণের জন্য সংস্থার চেয়ারম্যান মহোদয় জনাব মোঃ সায়েদুল ইসলাম এর সভাপতিত্বে 'মূল্য নির্ধারণ কমিটি' এর
সভা অনুষ্ঠিত হয়।

সভায় নিম্নোক্ত সম্মানিত সদস্যগণ উপস্থিত ছিলেন :

- ১। জনাব মোমিনুর রশিদ আমিন, সদস্য পরিচালক (অর্থ), বিএডিসি, ঢাকা।
- ২। জনাব তুলসী রঞ্জন সাহা, সদস্য পরিচালক (সার ব্যবস্থাপনা), বিএডিসি, ঢাকা।
- ৩। ড. শেখ হারুনুর রশিদ আহমদ, সদস্য পরিচালক (বীজ ও উদ্যান), বিএডিসি, ঢাকা।
- ৪। জনাব আব্দুল লতিফ মোগ্লা, সচিব, বিএডিসি, ঢাকা।

এছাড়াও মহাব্যবস্থাপক (উদ্যান) জনাব মুহাঃ আজহারুল ইসলাম এবং মহাব্যবস্থাপক (এএসসি) জনাব এস এম আলতাফ হোসেন সভায় উপস্থিত
ছিলেন। মহাব্যবস্থাপক (উদ্যান) জনাব মোঃ জনাব মুহাঃ আজহারুল ইসলাম সভার কার্যপত্র উপস্থাপন করেন।

আলোচ্য বিষয় : উদ্যান উন্নয়ন বিভাগের ৯ (নয়) টি কেন্দ্র ও এএসসি বিভাগের ১৪ (চৌদ্দ) টি কেন্দ্রের জন্য ২০১৯-২০ বর্ষে নারিকেল চারা
উৎপাদনের নিমিত্ত বীজ নারিকেলের ক্রয়মূল্য, উৎপাদিত নারিকেল চারার বিক্রয়মূল্য এবং চূড়ান্তভাবে বিক্রয়যোগ্য নারিকেল
চারার সংখ্যা নির্ধারণ।

সভার প্রারম্ভে মহাব্যবস্থাপক (উদ্যান) সভাকে অবহিত করেন যে, সংস্থার উদ্যান উন্নয়ন বিভাগ ও এএসসি বিভাগের মাধ্যমে প্রতি বছর
নারিকেলের চারা উৎপাদন কার্যক্রম বাস্তবায়ন করা হয়। গত ২০১৮-১৯ উৎপাদন বর্ষে উদ্যান উন্নয়ন বিভাগ হতে ১,৭৭,৫০০ টি এবং
এএসসি বিভাগ হতে ২,২০,০০০ টি মোট ৩,৯৭,৫০০ টি বীজ নারিকেল ক্রয় করা হয়। উদ্যান উন্নয়ন বিভাগের মাধ্যমে ক্রয়কৃত ১,৭৭,৫০০
টি বীজ নারিকেল হতে ১,২৪,২৫০ টি বিক্রয়যোগ্য নারিকেল চারা পাওয়া যায়, যার শতকরা হার ৭০। এএসসি বিভাগের মাধ্যমে ২,২০,০০০
টি বীজ নারিকেল হতে ১,৫৪,০০০ টি বিক্রয়যোগ্য নারিকেল চারা পাওয়া যায়, যার শতকরা হার ৭০।

মহাব্যবস্থাপক (উদ্যান) সভাকে জানান যে, ২০১৮-১৯ উৎপাদন বর্ষে উদ্যান উন্নয়ন বিভাগের মাধ্যমে ১,২৪,২৫০ টি এবং এএসসি
বিভাগের মাধ্যমে ১,৫৪,০০০ টি মোট ২,৭৮,২৫০ টি বিক্রয়যোগ্য নারিকেল চারা উৎপাদিত হয় এবং পূর্ববর্তী ২০১৭-১৮ বর্ষে উৎপাদিত
নারিকেল চারার মধ্যে উদ্যান উন্নয়ন বিভাগের ৪৫,০৪৭ টি এবং এএসসি বিভাগের ৪৬,০২২ টি মোট ৯১,০৬৯ টি চারা অবিক্রিত থাকে।
অর্থাৎ ২০১৮-১৯ বর্ষে উৎপাদিত মোট বিক্রয়যোগ্য চারার সংখ্যা ২,৭৮,২৫০ + ৯১,০৬৯ = ৩,৬৯,৩১৯ টি। নির্ধারিত বিক্রয়মূল্যে
বিক্রয়যোগ্য উক্ত নারিকেল চারার মধ্য হতে ৩০ জুন ২০১৯ পর্যন্ত ৩,২২,৯১৭ টি চারা বিক্রয় হয় এবং ৪৬,৪০২ টি চারা অবিক্রিত থাকে।
মহাব্যবস্থাপক (উদ্যান) সভাকে আরও জানান যে, ১৯ আগস্ট ২০১৯ তারিখে উদ্যান উন্নয়ন বিভাগের কোন কেন্দ্রে নারিকেল চারা অবিক্রিত
নেই। কিন্তু এগ্রো সার্ভিস বিভাগের ১৪টি কেন্দ্রে মোট ১২,৩৮৮ টি নারিকেল চারা অবিক্রিত রয়েছে, যা শীঘ্রই বিক্রি হয়ে যাবে বলে আশা
করা যায়।

নারিকেলের অংকুরোদগম ক্ষমতার হারের সম্ভাব্যতার বিষয়টি বিবেচনায় রেখে বিগত ২০১৪-১৫, ২০১৫-১৬, ২০১৬-১৭, ২০১৭-১৮ অর্থ
বছরের ন্যায্য ২০১৮-১৯ অর্থ বছরেও অংকুরোদগম ক্ষমতা ও চূড়ান্ত ভাবে বিক্রয়যোগ্য নারিকেল চারা নির্ধারণের নিমিত্ত ট্রায়াল কার্যক্রম
পরিচালনার বিষয়ে 'মূল্য নির্ধারণ কমিটি' ১১ সেপ্টেম্বর ২০১৮ তারিখে অনুষ্ঠিত সভায় সিদ্ধান্ত প্রদান করেন। সে মোতাবেক ২০১৮-১৯ অর্থ
বছরে বিএডিসি'র ৪টি উদ্যান উন্নয়ন কেন্দ্র (কাশিমপুর, পটিয়া, যশোর ও কুমিল্লা) এবং ৪টি এগ্রো সার্ভিস সেন্টারে (দিনাজপুর, খুলনা, বরিশাল
ও বান্দারবান) বীজ নারিকেলের অংকুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারা নির্ধারণের
নিমিত্ত ট্রায়াল কার্যক্রম বাস্তবায়ন করা হয়।









বিবেচনায় নিয়ে ২০১৯-২০ সালের জন্য বীজ নারিকেল ক্রয়/সংগ্রহমূল্য এবং নারিকেল চারার বিক্রয়মূল্য নিম্নোক্ত ভাবে নির্ধারণের সুপারিশ করেন।

বিবরণ	২০১৫-১৬	২০১৬-১৭	২০১৭-১৮	২০১৮-১৯	সুপারিশকৃত বীজের সংগ্রহ/ বিক্রয়মূল্য (২০১৯-২০)
বীজ নারিকেলের ক্রয়মূল্য	৩২/-	৩৫/-	৩২/-	৩১/-	৩১/-
নারিকেল চারার বিক্রয়মূল্য	৫০/- ও ৪৯/-	৫৫/- ও ৫৪/-	৫৫/- ও ৫৪/-	৫০/- ও ৪৯/-	৫০/- ও ৪৯/-

তাছাড়া উক্ত সুপারিশ কমিটি কৃষি গবেষণা প্রতিষ্ঠান, কৃষি সম্প্রসারণ অধিদপ্তর ও বিএডিসি'র প্রতিনিধিদের সমন্বয়ে গঠিত কমিটির মাধ্যমে প্রাপ্ত রিপোর্ট বিবেচনায় নিয়ে বীজ নারিকেলের অঙ্কুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারার সংখ্যা ৭০% নির্ধারণের জন্য সুপারিশ করেন। বিগত ০৫ (পাঁচ) বছর যাবত নারিকেল বীজের অঙ্কুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারা নির্ধারণের নিমিত্ত ট্রায়াল কার্যক্রম বাস্তবায়িত হয়েছে বিধায় আর ট্রায়াল কার্যক্রম পরিচালনা না করার বিষয়েও উক্ত সভায় সুপারিশ করা হয়। সাধারণত আগস্ট-সেপ্টেম্বর মাসে গুণগত মান সম্পন্ন বীজ নারিকেল পর্যাপ্ত সংখ্যক পাওয়া যায় এবং এ সময় বীজ নারিকেল সংগ্রহ করে বীজতলায় বপন করা হলে সন্তোষজনক হারে চারা গজায় এবং উৎকৃষ্ট মানের চারা উৎপাদিত হয়। বীজ নারিকেল ক্রয়ের মূল্য নির্ধারণসহ প্রয়োজনীয় অর্থের অগ্রিম মঞ্জুরীর প্রয়োজন হবে।

গুণগত মানসম্পন্ন বীজ নারিকেল ক্রয়ের ক্ষেত্রে নিম্ন বর্ণিত স্পেসিফিকেশন তৈরি করা হয়েছে-

- নারিকেল বীজের পরিধি ১৮'' - ২২'' (৪৬-৫৬ সেঃ মিঃ) হতে হবে।
- নারিকেল এর আকার গোলাকৃতি হতে ডিম্বাকৃতি হতে হবে।
- নারিকেল বীজের ভিতরে পর্যাপ্ত পানি থাকতে হবে।
- নারিকেল বীজ সুপরিপক্ব হতে হবে এবং খোসার রং উজ্জ্বল ও মসৃণ হতে হবে।
- প্রতিটি নারিকেলের সাথে বৃতি (Calyx) সংযুক্ত অবস্থায় থাকতে হবে।
- নারিকেল দেখেই যেন বুঝা যায় যে তা গজাবে।

'বীজের সংগ্রহ/বিক্রয়মূল্য নির্ধারণ সুপারিশ কমিটি' এর সুপারিশ অনুযায়ী চুক্তিবদ্ধ চাষি হতে বীজ নারিকেল ক্রয়ের সময় বীজের মান যাচাই/বাছাই এর জন্য ৫ সদস্য বিশিষ্ট কমিটি করা যেতে পারে, যা নিম্নরূপ ;

- | | |
|---|------------|
| ক) যুগ্ম পরিচালক(বীজবিপণন/সার ব্যবস্থাপনা/কঃ গ্রোঃ) | সভাপতি |
| খ) উপ পরিচালক (বীজ বিপণন) | সদস্য |
| গ) বিএডিসি'র স্থানীয় পর্যায়ের একজন কর্মকর্তা (উপ পরিচালক এর নীচে নয়) | সদস্য |
| ঘ) সংশ্লিষ্ট উপজেলা কৃষি কর্মকর্তা, কৃষি সম্প্রসারণ অধিদপ্তর | সদস্য |
| ঙ) সংশ্লিষ্ট যুগ্ম/উপ পরিচালক (উদ্যান/এএসসি) | সদস্য সচিব |

আলোচনা ও পর্যালোচনা :

চেয়ারম্যান মহোদয় ও সম্মানিত সদস্যগণ বীজ নারিকেলের সংগ্রহ মূল্য ও উৎপাদিত নারিকেল চারার বিক্রয়মূল্য নির্ধারণের বিষয়ে বিস্তারিত আলোচনা ও পর্যালোচনা করেন। ২০১৮-১৯ সালে বীজ নারিকেলের অঙ্কুরোদগম ক্ষমতার হার, চূড়ান্তভাবে বিক্রয়যোগ্য নারিকেল চারার সংখ্যা নির্ধারণের জন্য ৮টি কেন্দ্রে বাস্তবায়িত (উউকে কাশিমপুর, পটিয়া, যশোর ও কুমিল্লা এবং এএসসি দিনাজপুর, বরিশাল, খুলনা ও বান্দারবান) ট্রায়াল কার্যক্রমের চূড়ান্ত রিপোর্ট, নারিকেল চারার উৎপাদন খরচ, বীজ নারিকেল ক্রয়ের জন্য প্রয়োজনীয় অর্থের সংস্থান, নারিকেল চারার চাহিদা, চুক্তিবদ্ধ চাষিদের নিকট হতে বীজ নারিকেল ক্রয়, সুপারিশ কমিটি কর্তৃক সুপারিশকৃত প্রতিটি বীজ নারিকেলের ক্রয়মূল্য ও প্রতিটি নারিকেল চারার বিক্রয়মূল্য ইত্যাদি বিষয়ে কমিটি বিস্তারিত আলোচনা ও পর্যালোচনা করেন। বিগত ০৫ (পাঁচ) বছর যাবত নারিকেল বীজের অঙ্কুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারা নির্ধারণের নিমিত্ত ট্রায়াল কার্যক্রম বাস্তবায়িত হয়েছে। প্রতি বছরের ট্রায়াল কার্যক্রমের প্রতিবেদন পর্যালোচনা করে প্রতীয়মান হয় যে, নারিকেল বীজের অঙ্কুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারার শতকরা হার ৭০ হওয়া সম্ভব। ফলে এ বিষয়ে পুনরায় ট্রায়াল কার্যক্রম পরিচালনা না করার বিষয়ে কমিটির সম্মানিত সদস্যগণ মত প্রকাশ করেন।

কৃষক ও জনসাধারণ পর্যায়ে বিএডিসি'র নারিকেল চারার গুণগতমান এবং গ্রহণযোগ্যতার পরিশ্রেণিতে চেয়ারম্যান মহোদয় চলতি বর্ষে উদ্যান উন্নয়ন বিভাগের জন্য ১,৭৭,৫০০ (এক লক্ষ সাতাত্তর হাজার পাঁচশত) এবং এগ্রো সার্ভিস বিভাগের জন্য ২,২০,০০০ (দুই লক্ষ বিশ হাজার) সংখ্যক সর্বমোট ৩,৯৭,৫০০ টি বীজ নারিকেল চুক্তিবদ্ধ চাষির নিকট হতে ক্রয় করে চেকের মাধ্যমে মূল্য পরিশোধ ও নিয়ম মারফিক বিল ভাউচার যথাযথ ভাবে সংরক্ষণ করার নির্দেশনা প্রদান করেন।

সংস্থার চেয়ারম্যান মহোদয় সমগ্র দেশব্যাপী আরো উন্নত মানের নারিকেল চারা সরবরাহের নিমিত্তে বীজ নারিকেল সংগ্রহ/ক্রয়ের বিদ্যমান স্পেসিফিকেশনটিকে সমৃদ্ধ করার জন্য বিশেষ গুরুত্ব আরোপ করেন এবং আগামী অর্থ বছর হতে তা অনুসরণের জন্য এখন থেকেই প্রস্তুতি গ্রহণের জন্য বলেন। বিশেষ করে তিনি বীজ নারিকেলটি যেন রোগ-বালাই ও পোকা-মাকড় মুক্ত হয়, তাছাড়া বীজ নারিকেলের গড় ওজন, খোসার ওজন, নারিকেলের অভ্যন্তরে পানির পরিমাণ, শাসের ওজন ও পুরুত্ব ইত্যাদি বিষয়গুলো অন্তর্ভুক্ত করার জন্য নির্দেশনা প্রদান করেন এবং এ বিষয়ে গবেষণা প্রতিষ্ঠানের সহায়তা গ্রহণের পরামর্শ প্রদান করেন। তাছাড়া, বীজ নারিকেল সংগ্রহ কালে জাত সম্পর্কে নিশ্চিত হওয়া গেলে জাত অনুযায়ী প্লট বিভক্ত রেখে মাঠে বীজ বপনের ব্যবস্থা গ্রহণের উদ্যোগ নেওয়ার জন্যও চেয়ারম্যান মহোদয় উল্লেখ করেন। সভায় চেয়ারম্যান মহোদয় বিএডিসি'র বীজের বিক্রয়মূল্য বেসরকারী বীজ কোম্পানীর বীজের বিক্রয়মূল্যের সাথে সামঞ্জস্য রাখার বিষয়েও গুরুত্বারোপ করেন। তবে অবশ্যই বিএডিসি'র বীজের গুণগত মান নিশ্চিত করতে হবে।


বিস্তারিত আলোচনা ও পর্যালোচনা শেষে কমিটি নিম্নোক্ত সিদ্ধান্ত গ্রহণ করেন :


- ১। উদ্যান উন্নয়ন বিভাগ এবং এগ্রো সার্ভিস বিভাগের বার্ষিক কর্মপরিকল্পনা অনুযায়ী ২০১৯-২০ বর্ষে উদ্যান উন্নয়ন বিভাগের জন্য ১,৭৭,৫০০ টি এবং এএসসি কার্যক্রমের জন্য ২,২০,০০০ টি মোট ৩,৯৭,৫০০ টি বীজ নারিকেল সংগ্রহের লক্ষ্যমাত্রা নির্ধারণ করা হলো।
- ২। ২০১৯-২০ বর্ষের জন্য প্রতিটি বীজ নারিকেলের ক্রয়মূল্য কেন্দ্র পৌঁছানো পর্যন্ত লোডিং, আনলোডিং ও পরিবহন খরচসহ ৩১.০০ (একত্রিশ) টাকা এবং উৎপাদিত প্রতিটি নারিকেল চারার বিক্রয়মূল্য ৫০.০০ (পঞ্চাশ) টাকা এবং পাহাড়ী এলাকা (লামা ও বান্দারবন, এএসসি) এর জন্য প্রতিটি নারিকেল চারার বিক্রয়মূল্য ৪৯.০০ (উনপঞ্চাশ) টাকা নির্ধারণ করা হলো।
- ৩। ২০১৯-২০ সালের জন্য প্রতিটি নারিকেল চারার উৎপাদন খরচ ৪.১১ টাকা (চাষ খরচ ০.০৪ + সেচ খরচ ০.০৬ + সার ০.৪৯ + শ্রমিক ব্যয় (বপন, আন্তঃপরিচর্যা ও উত্তোলনসহ)- ২.৮৮ + বালাই নাশক ব্যয় ০.৬৪) নির্ধারণ করা হলো।
- ৪। বিগত ০৫ (পাঁচ) বছর যাবত নারিকেল বীজের অংকুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারা নির্ধারণের নিমিত্ত ট্রায়াল কার্যক্রম বাস্তবায়নের পরিপ্রেক্ষিতে বীজের অংকুরোদগম ক্ষমতা (Germination Percentage) ও চূড়ান্তভাবে বিক্রয়যোগ্য নারিকেল চারার শতকরা হার চূড়ান্তভাবে ৭০ নির্ধারণ করা হলো।
- ৫। ২০১৯-২০ সালের জন্য চুক্তিবদ্ধ চাষির মাধ্যমে মানসম্পন্ন বীজ নারিকেল ক্রয় এবং ৭০% বিক্রয়যোগ্য চারা উৎপাদনের লক্ষ্যে নিম্নোক্ত বৈশিষ্ট্যসমূহ কঠোরভাবে প্রতিপালনের সিদ্ধান্ত গ্রহণ করা হলো :
 - ক) বীজ নারিকেলের পরিধি ১৮"- ২২" (৪৬-৫৬ সেঃ মিঃ) হতে হবে।
 - খ) নারিকেল এর আকার গোলাকৃতি হতে ডিম্বাকৃতি হতে হবে।
 - গ) বীজ নারিকেলের ভিতরে পর্যাপ্ত পানি থাকতে হবে।
 - ঘ) বীজ নারিকেলের সুপরিপক্ব হতে হবে এবং খোসার রং উজ্জ্বল ও মসৃণ হতে হবে।
 - ঙ) প্রতিটি নারিকেলের সাথে বৃতি (Calyx) সংযুক্ত অবস্থায় থাকতে হবে।
 - চ) নারিকেল দেখেই যেন বুঝা যায় যে তা গজাবে।
 - ছ) উৎপাদিত নারিকেল চারার রং সবুজ ও চারা খাড়া হতে হবে।
 - জ) মানসম্পন্ন বিক্রয়যোগ্য চারা উৎপাদনের হার ন্যূনতম ৭০% হতে হবে।
 - ঝ) কমিটি কর্তৃক পরীক্ষা করে কোন রকম অপরিপক্ব নারিকেল ক্রয়ের বিষয় দৃষ্টিগোচর হলে কেন্দ্র প্রধান ও সংশ্লিষ্টগণ এ জন্য দায়ি থাকবেন।
 - ঞ) মাঠে প্রত্যেকটি নারিকেলের চারার স্বাভাবিক বৃদ্ধি নিশ্চিত করতে হবে।
- ৬। নির্ধারিত ক্রয়মূল্যে নিম্নবর্ণিত কমিটির তদারকি ও বীজ নারিকেলের মান সম্পর্কে প্রত্যয়নের ভিত্তিতে বীজ নারিকেল সংগ্রহ লক্ষ্যমাত্রা অনুযায়ী চুক্তিবদ্ধ চাষির নিকট হতে ক্রয় করতে হবে এবং নিয়মমাফিক বিল, ভাউচার সংরক্ষণ করতে হবে।


বীজ নারিকেল ক্রয়ের তদারকারী কমিটির সদস্যবৃন্দ নিম্নরূপ :


ক) যুগ্ম পরিচালক (বীজ বিপণন/সারব্যবস্থাপনা/কঃগ্রোঃ), বিএডিসি	/
খ) উপ পরিচালক (বীজ বিপণন), বিএডিসি	সভাপতি
গ) বীজ নারিকেল ক্রয়ের জন্য বিএডিসি'র স্থানীয় পর্যায়ের একজন কর্মকর্তা (উপ পরিচালক পদমর্যাদার নীচে নয়)	সদস্য
ঘ) সংশ্লিষ্ট উপজেলা কৃষি কর্মকর্তা, কৃষি সম্প্রসারণ অধিদপ্তর	সদস্য
ঙ) সংশ্লিষ্ট যুগ্ম/উপ পরিচালক (উদ্যান/এএসসি), বিএডিসি	সদস্য সচিব
- ৭। উদ্যান ও এএসসি'র প্রতিটি খামারে বরাদ্দকৃত বীজ নারিকেল জমিতে বপনের পর অংকুরিত নারিকেল চারা ও অঅংকুরিত বীজ নারিকেল যথাযথ স্থানে রাখতে হবে, যাতে উর্ধ্বতন কর্তৃপক্ষ খামার পরিদর্শনকালে গণনা করে বরাদ্দকৃত মোট বীজ নারিকেলের সংখ্যার সাথে বপনকৃত বীজ নারিকেলের মোট সংখ্যা সমান দেখতে পান।

অন্য কোন আলোচনা না থাকায় সভাপতি মহোদয় সভায় উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।



(আব্দুল লতিফ হোসেন)
সচিব
বিএডিসি, ঢাকা।


(ড. শেখ হারকুনুর রশিদ আহমদ)
সদস্য পরিচালক (বীজ ও উদ্যান),
বিএডিসি, ঢাকা।








(তুলসী রঞ্জন সাহা)
সদস্য পরিচালক (সার ব্যবস্থাপনা),
বিএডিসি, ঢাকা।


(মোমিনুর রশিদ আমিন)
সদস্য পরিচালক (অর্থ),
ও

সদস্য পরিচালক (ক্ষুদ্রসেচ),
(অতিরিক্ত দায়িত্ব)
বিএডিসি, ঢাকা।


(মোঃ সায়েদুল ইসলাম)
চেয়ারম্যান

চেয়ারম্যান মহোদয়ের সভাপতিত্বে ২০১৯-২০ উৎপাদন বর্ষের নারিকেল বীজ ক্রয় ও নারিকেল চারার বিক্রয়মূল্য নির্ধারণের জন্য মূল্য নির্ধারণ কমিটির সভায় উপস্থিত সদস্যবৃন্দের তালিকা।

ক্রঃ নং	উপস্থিত সদস্যের নাম ও পদবী	স্বাক্ষর ও তারিখ
১.	ড. শেখ হারুনুর রশিদ আহমদ সদস্য পরিচালক (বীজ ও উদ্যান) বিএডিসি, ঢাকা	 20/08/2020
২.	জনাব মোমিনুর রশিদ আমিন সদস্য-পরিচালক (অর্থ) বিএডিসি, ঢাকা	 20/08/2020
৩.	জনাব তুলসী রঞ্জন সাহা সদস্য পরিচালক (সার ব্যবস্থাপনা) বিএডিসি, ঢাকা	 20/08/2020
৪.	জনাব আব্দুল লতিফ মোল্লা সচিব বিএডিসি, ঢাকা।	 20/08/2020
৫.	জনাব মুহাঃ আজহারুল ইসলাম মহাব্যবস্থাপক (উদ্যান) বিএডিসি, ঢাকা	 20/08/2020
৬.	জনাব এস এম আলতাফ হোসেন মহাব্যবস্থাপক (এএসসি) বিএডিসি, ঢাকা	 20/08/2020